



Primera Caravana de Turismo y Salud: Klínikanan Colombiano ta reuni pa promé tratamentunan médiko!

WILLEMSTAD – Awe mainta tabatin apertura di e presentashon médiko di klínikanan di Colombia ku a reuni na Kòrsou pa promé diferente tratamentu ku ta tuma lugá na e pais mensioná. “Primera Caravana de Turismo y Salud” ya ta un realidat den kua klínikanan colombiano a reuni pa eksponé e tratamentunan ku nan ta ofresé. For di e diferente siudat manera Bogota, Baranquilla i Medellín tabatin presentashon awe mainta den e sala di gala di Marriott Hotel.

Durante e presentashon awe mainta representantenan di e klínikanan ku ta partisipá a duna informashon na bishitantenan den kua tambe a muestra riba e diferente posibilidat di kuido ku ta keda ofresé. For di e presentashon a sali na kla ku Colombia ta keda un pais

rekonosé pa su tratamentu médiko i ku ta hañando pashèntnan for di diferente kontinente ku ta bai buska e mihó tratamentu.

E direktor di Ofisina di Pro Export Colombia, Carlos González, a bin ta prepará e evento aki den kua mester promové e tratamentu médiko e dianan aki pa logra ku tin pashèntnan for di Kòrsou ku tambe ta interesá pa biaha pa haña e atenshon médiko garantisá. For di e diferente klínikanan ku ta partisipá públiko por haña e informashon nesesario. Banda di informashon médiko tambe tabatin presentashon turístiko di e siudatnan durante e desayuno ku a keda ofresé den kuadro di bishita di e partisipantenan di Primera Caravana de Turismo y Salud.

Klínikanan manera Clínica

La Vegas, Clínica Reina Sofia, Inser, Hospital Pablo Tobon Uribe, Centro Oftalmológico Carriazo, Clínica Colsanitas, ets.

E diferente ofertanan a keda partisipá na esnan ku tabata bishitá e mesa di informashon di e klínikanan partisipante. Ta intenshon ku e aserkamentu di klínikanan colombiano keda presentá kada aña di nobo na Kòrsou pa promové e tratamentunan.

Tabatin informashon riba sirugia, diferente transplante, operashonnan i tambe riba re-produkshon humano pa medio di embaraso di inyekshon.

Durante e apertura awe mainta a konta ku direktor di Direktorado di Salubridat, Dr. Ben Whiteman, i otro funshonarionan ku ta traha riba tereno di medisina.